

²⁹⁰ ALOYSIVS CONTARENVS

D U X C V I.

INSCRIPTIO PVBLICA.

Aloysius Contarenus Dux Venetiarum creatus die 26. Augusti 1675. vixit in Principatu Annos septem . Obiit die xv. Ianuarii 1683. Aetatis suae Ann. 83.



Politicus sed Christianus venit nobis ex alto Princeps eo tempore, quo meritis & Fortuna ad Thronum evocantibus Ioannem Sagredum Equitem, ac D. Marci Procuratorem, Comitiis placuit supremis, non probare Electores, quos Sors decreverat Sagredo dictante. Tanto in discrimine, apparuit Dominus clavo praesidere Reipublicae, ventis imperans & mari, ne fluctibus operiretur navicula Marci. Novi namque Electores propositi & confirmati, abiurato prius vinculo sanguinis & amicitiae, in Contareno convenere, nullo murmure, ipso plaudente Sagredo, cui